

necessitates, de singulis ciuitatibus, non solum de prouincijs singulis, ad
 examen Magnificentiae tuae, vel Honoratos cōfluere, vel mitti Legatos, aut
 Possessorum vtilitas, aut publicarum ratio exigit functionum: maximè
 opportunum & conducibile iudicamus, vt seruata posthac annis singulis
 consuetudine, constituto tempore in Metropolitana, id est in Arelatenſi
 vrbe, incipiant septem Prouinciae habere Concilium. In quo plane tam sin-
 gulis, quam omnibus in commune consulimus: primùm vt optimorum
 conuentu sub illustri praesentia Praefecturae, si id tamen ratio publicae dis-
 positionis obtulerit, saluberrima de singulis rebus possint esse consilia:
 tum quicquid tractatum fuerit, & discussis ratiocinijs constitutum, nec
 latere potiores Prouincias poterit, & parem necesse est inter absentes æqui-
 tatis formam iustitiaeque seruari. Ac planè praeter necessitates publicas,
 etiam humanae ipsi conuersationi non parum credimus commoditatis ac-
 cedere, quod in Constantina vrbe iubemus annis singulis esse Concilium.
 Tanta enim loci opportunitas, tanta est copia commerciorum, tanta illic
 frequentia comitantium, vt quicquid vsquam nascitur, illic commodius
 distrahatur. Neque enim vlla prouincia ita peculiari fructus sui felicitate
 laetatur, vt non hæc propria Arelatenſis soli credatur esse fecunditas. Quic-
 quid enim diues Oriens, quicquid odoratus Arabs, quicquid delicatus Assy-
 rius, quod Africa fertilis, quod speciosa Hispania, quod fortis Gallia potest
 habere præclarum, ita illic affatim exuberat, quasi ibi nascentur omnia, quæ
 vbiq̃ue cōstat esse magnifica. Iam verò decursus Rodani, & Tirrheni recur-
 sus necesse est vt vicinum faciant ac pene conterminum, vel quod iste præ-
 terfluit, vel ille quod circuit. Cum ergo huic seruiat ciuitati quicquid
 habet terra præcipuum, ad hanc velo, remo, vehiculo, terra, mari, flu-
 mine deferatur quicquid singulis nascitur: quomodo non multum
 sibi Galliae nostrae præstitum credant, cum in ea ciuitate præcipiamus
 esse conuentum, in qua diuino quodam munere commoditatum & com-
 merciorum opportunitas tanta præstatur? Si quidem hoc rationabili plane
 probatoque consilio, iam & vir illustris Praefectus Petronius obseruari de-
 bere præceperit, quod interpolatum, vel incuria temporum, vel desidia
 Tyrannorum, reparari solita prudentiae nostrae autoritate decernimus,
 Agricola parens carissime atque amantissime. Vnde illustris magnificentia
 tua & hanc præceptionem nostram, & priorem sedis suae dispositionem se-
 cuta, id per septem Prouincias in perpetuum faciet custodiri, vt ab Idibus
 Augusti, quibuscumque medijs diebus, in Idus Septembris, in Arelatenſi
 vrbe nouerint Honorati vel Possessores, Iudices singularum prouincia-
 rum, annis singulis Concilium esse seruandum. Ita vt de Nouempopu-
 lana & secunda Aquitania, quæ prouinciae longius constitutæ sunt, si
 earum iudices certa occupatio tenuerit, sciant Legatos iuxta consuetudi-
 nem esse mittendos. Qua prouisione plurimum & Prouincialibus no-
 stris gratiae nos intelligimus vtilitatisque præstare, & Arelatenſi vrbi,
 cuius fidei secundum testimonia atque suffragia Parentis Patricijque
 nostri, multa debemus, non parum adijcere nos constat ornatui. Siat
 autem Magnificentia tua quinque auri libris Iudicem esse multandum, ter-
 nis Honoratos vel Curiales, qui ad constitutum locum intra definitum
 tempus venire distulerint. Data xv. Kal. Maias, Accepta Arel. x. Kal.
 Iunias.